



Bosnia and Herzegovina
Federation of Bosnia and Herzegovina
TUZLA CANTON
Ministry of Internal Affairs

Broj: 08-04-11.2-2-1767/23

Datum: 24.10.2023. godine

Na osnovu člana 64. stav (1) tačka b), člana 70, stav (1), (3) i (6) i člana 89. Zakona o javnim nabavkama („Službeni glasnik BiH“ broj 39/14 i 59/22); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-1767/23 od 24.10.2023. godine, u postupku javne nabavke telefonske opreme, ministar donosi:

ODLUKU
o izboru najpovoljnijeg ponuđača

Član 1.

Prihvata se prijedlog Komisije za javne nabavke broj: 08-04-11.2-2-1767/23 od 24.10.2023. godine i dodjeljuje se ugovor ponuđaču „Unis Telekom” d.d. Mostar, Ante Starčevića 50, 88000 Mostar u postupku javne nabavke telefonske opreme, objavljenog na Portalu javnih nabavki broj 1111-7-1-37-3-36/23 od 11.10.2023. godine.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-1767/23 od 10.10.2023. godine, MUP TK-a je pokrenulo postupak konkurentskog zahtjeva za dostavu ponuda za nabavku telefonske opreme. Na Portalu javnih nabavki objavljeno je Obavještenje o javnoj nabavci broj: 1111-7-1-37-3-36/23 od 11.10.2023. godine.

Do krajnjeg roka za prijem ponuda koji je bio 23.10.2023. godine do 11:00 sati, zaprimljena je samo jedna ponuda i to ponuda ponuđača „Unis Telekom” d.d. Mostar.

Na osnovu Zapisnika komisije o pregledu i ocjeni ponuda broj: 08-04-11.2-2-1767/23 od 24.10.2023. godine izvršena je analiza ponuda pri čemu je utvrđeno da je ponuda ponuđača: „Unis Telekom” d.d. Mostar, prihvatljiva za ugovorni organ. Tenderskom dokumentacijom ugovornog organa kao i Obavještenjem o nabavci broj: 1111-7-1-37-3-36/23 je predviđeno da će se u postupku dodjele ugovora provesti e-aukcija. Imajući u vidu odredbe člana 3. stav (3) Pravilnika o uslovima i načinu korištenja e-aukcije („Službeni glasnik BiH“ broj: 66/16) ista se nije ni zakazivala s obzirom da je u postupku javne nabavke telefonske opreme zaprimljena jedna prihvatljiva ponuda, te primjenom kriterija najniže cijene za dodjelu ugovora, komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku telefonske opreme dodijeli ponuđaču „Unis Telekom” d.d. Mostar, Ante Starčevića 50, 88000 Mostar, s obzirom da je isti dostavio prihvatljivu

ponudu s najnižom cijenom u iznosu od 19.642,35 KM bez PDV-a, odnosno 22.981,54 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 5 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđaču
- a/a



MINISTAR

Hajrudin Mehanović